



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU SOCIJALDEMOKRATSKE UNIJE BIH

Broj: 03-07-6-769/17
Sarajevo, 23.08.2018. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	9

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Socijaldemokratske unije BiH i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Socijaldemokratska unija BiH prekršila odredbe člana 5. stav (4), člana 6. stav (2), člana 11. i člana 12. stav (1), stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Socijaldemokratske unije BiH za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Socijaldemokratska unija BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	2.670,00	3,40
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	75.948,58	96,60
8.	Prihodi od propagande (3-g)	0,00	0,00
I	Ukupni prihodi (1-8)	78.618,58	100,00
II	Ostali prihodi i drugo	0,00	0,00
	Izvori finansiranja (I+II)	78.618,58	100,00

U godišnjem finansijskom izvještaju stranka je iskazala ukupne rashode u iznosu od 56.731,82 KM.

2. PREDSTAVLJANJE POLITIČKE STRANKE

Naziv političke stranke: Socijaldemokratska unija BiH. Skraćeni naziv stranke: SDU BIH.

Socijaldemokratska unija BiH je registrovana kod Kantonalnog suda u Sarajevu, rješenjem broj: R-I-9/02 od 20.12.2002. godine.

Sjedište stranke je u Sarajevu, Soukbunar 7.

Lice ovlašteno za predstavljanje i zastupanje stranke je Nermin Pećanac, predsjednik.

Lice ovlašteno za podnošenje finansijskih izvještaja za 2016. godinu je Ramiz Kadrić.

Prema podacima iz godišnjeg finansijskog izvještaja za 2016. godinu, Socijaldemokratska unija BiH ima sljedeću organizacionu strukturu:

- Centrala SDU BiH,
- 2 kantonalna odbora i
- 10 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Socijaldemokratske unije BiH za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Socijaldemokratske unije BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled i reviziju finansijskih izvještaja Socijaldemokratske unije BiH u periodu od 2005. do 2015. godine, nakon čega su izdati izvještaji o pregledu, odnosno izvještaji o reviziji sa nalazima revizije, mišljenjem revizora i preporukama stranci.

Nakon izvršenog pregleda godišnjeg finansijskog izvještaja za 2015. godinu, Služba za reviziju je izdala Izvještaj o pregledu godišnjeg finansijskog izvještaja Socijaldemokratske unije BiH sa mišljenjem revizora, nalazima revizije i preporukama stranci da vodi adekvatne evidencije o svojim prihodima, rashodima i obavezama i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Socijaldemokratska unija BiH nije ispoštovala ranije date preporuke revizije.

5. NALAZI I PREPORUKE

5.1 NALAZI

a) Socijaldemokratska unija BiH prekršila je odredbe člana 5. stav (4) i člana 6. stav (2) Zakona o finansiranju političkih stranaka.

(1) Socijaldemokratska unija BiH nije u poslovnim knjigama evidentirala nenovčane donacije po osnovu besplatnog korištenja poslovnih prostora, čime je prekršila odredbe člana 5. stav (4) Zakona o finansiranju političkih stranaka¹.

- Prema podacima koje je dostavila Opština Srebrenica, stranka je bez plaćanja naknade koristila poslovni prostor, površine 11,96 m², vlasništvu Opštine Srebrenica.²
- Na osnovu akta Općine Ilijaš broj: 04/1-14-907/17 od 14.04.2017. godine, utvrđeno je da je stranka u periodu od 01.01. do 31.12.2016. godine koristila, bez naknade, prostor nad kojim pravo raspolaganja ima Općina Ilijaš, površine 19 m².
- Prema podacima koje je na zahtjev Centralne izborne komisije Bosne i Hercegovine dostavila Općina Novo Sarajevo, aktom broj: 01-23-826/17 od 14.04.2017. godine, Socijaldemokratska unija BiH je u 2016. godini koristila prostor površine 18,20 m² u vlasništvu Općine Novo Sarajevo, bez plaćanja naknade.

¹ Političke stranke dužne su voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga. Ovlašteno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

² Dopis Opštine Srebrenica broj: 01-03-5/17 od 13.04.2017. godine.

Socijaldemokratska unija BiH je korištenjem poslovnih prostora u vlasništvu općina, bez plaćanja zakupnine, primila nenovčane donacije, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2016. godinu.

- (2) Pregledom godišnjeg finansijskog izvještaja i dodatne finansijske dokumentacije, utvrđeno je da prilozi fizičkih lica u ukupnom iznosu od 2.670,00 KM nisu uplaćeni na transakcijski račun Centrale stranke, što je suprotno odredbi člana 6. stav (2) Zakona o finansiranju političkih stranaka³.

Uvidom izvide sa transakcijskog računa i bruto bilans OO SDU BiH Centar, utvrđeno je da su na transakcijski račun OO SDU BiH Centar uplaćeni prilozi četiri fizička lica u ukupnom iznosu od 2.670,00 KM.

b) Socijaldemokratska unija BiH prekršila je odredbu člana 11. i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja utvrđeno je da stranka u poslovnim knjigama nije uspostavila potpune i tačne evidencije o prihodima, rashodima i obavezama stranke te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i stav (4) Zakona o finansiranju političkih stranaka. Takođe je utvrđeno da je stranka izvršila isplatu ličnih primanja za dva fizička lica a da na isplate nije obračunala niti isplatila poreze i doprinose, što je suprotno poreskim propisima.

- (1) Socijaldemokratska unija BiH je u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala transakcijski račun broj: 1321400311523927 kao račune odbora u Lukavcu i Kalesiji, tj. dva puta je iskazala isti transakcijski račun sa različitim podacima o početnom stanju i saldu na 31.12.2016. godine, čime je prekršila odredbe člana 11. Pravilnika.

- (2) Pregledom godišnjeg finansijskog izvještaja je utvrđeno da podaci o ukupnim prihodima i rashodima Socijaldemokratske unije BiH iskazani u obrascima 3. (izvori finansiranja) i 4. (rashodi političke stranke) ne odgovaraju podacima iz Bilansa uspjeha za period 01.01.-31.12.2016. godine.

Socijaldemokratska unija BiH je u godišnjem finansijskom izvještaju iskazala ukupne prihode u iznosu od 78.618,58 KM i ukupne rashode u iznosu od 56.731,82 KM, dok je u Bilansu uspjeha za period 01.01.-31.12.2016. godine iskazala ukupne prihode u iznosu od 79.284,00 KM i ukupne rashode u iznosu od 55.793,00 KM.

Uvidom u bruto bilans OO SDU BiH Centar utvrđeno je da stranka nije u godišnjem finansijskom izvještaju iskazala ostale prihode u iznosu od 665,91 KM⁴.

- (3) Socijaldemokratska unija BiH nije u godišnjem finansijskom izvještaju iskazala sve prihode koje je ostvarila iz budžeta općina Ilidža, Kalesija i Kladanj, čime je prekršila odredbe člana 13. i člana 19. Pravilnika.

- Stranka je u finansijskom izvještaju iskazala prihode iz budžeta Općine Ilidža u iznosu od 1.651,00 KM.

Uvidom u podatke koje je dostavila Općina Ilidža, utvrđeno je da je iz budžeta ove općine za finansiranje Socijaldemokratske unije BiH izdvojeno ukupno 4.128,00 KM, od čega za zakup poslovnog prostora 702,00 KM.

³ Dobrovoljni prilozi u novcu uplaćuju se na transakcijski račun centrale političke stranke.

⁴ Sredstva u iznosu od 665,91 KM se odnose na povrat zapljene na transakcijski račun po rješenju.

Takođe je utvrđeno da je stranka u obrascu 4.1 (režijsko-administrativni i ostali troškovi) iskazala troškove zakupnine poslovnog prostora koji je koristio OO Ilidža u iznosu od 280,80 KM, dok su prema podacima koje je dostavila Općina Ilidža, troškovi zakupa poslovnog prostora iznosili 702,00 KM.

- Socijaldemokratska unija BiH nije u godišnjem finansijskom izvještaju iskazala prihode iz budžeta Općine Kalesija.

Prema podacima koje je dostavila Općina Kalesija, utvrđeno je da je iz budžeta Općine Kalesija za finansiranje Socijaldemokratske unije BiH izdvojeno 207,00 KM i da su, dana 12.05.2016. godine, sredstva uplaćena na transakcijski račun OO Kalesija broj: 1321400311523927. godine.

Takođe je utvrđeno da stranka nije u obrascu 2 iskazala promet ostvaren putem transakcijskog računa OO Kalesija broj: 1321400311523927. Naime, stranka je u obrascu 2 iskazala početno stanje i stanje na 31.12.2016. godine u iznosu od 372,13 KM, ali nije iskazala promet putem računa tokom godine. Kao što je već navedeno, Socijaldemokratska unija BiH je na ovaj račun primila sredstva iz budžeta u iznosu od 207,00 KM.

- Stranka u godišnjem finansijskom izvještaju nije iskazala prihode iz budžeta Općine Kladanj, koji su prema podacima koje je dostavila Općina Kladanj iznosili 356,25 KM. Sredstva su uplaćena dana 19.05.2016. godine na transakcijski račun broj: 1020290000024016. Socijaldemokratska unija BiH nije u obrascu 2 godišnjeg finansijskog izvještaja iskazala ovaj transakcijski račun niti je u obrascu 1.1 (organizaciona struktura političke stranke) navela podatke o organizacionom dijelu stranke u Kladnju, čime je prekršila odredbe čl. 10. i 11. Pravilnika.

- (4) Stranka u godišnjem finansijskom izvještaju nije iskazala nenovčane donacije po osnovu korištenja poslovnih prostora u vlasništvu Opštine Srebrenica i općina Ilijaš i Novo Sarajevo bez naknade, čime je prekršila odredbe čl. 13. i 18. Pravilnika. Takođe, stranka nije iskazala ni troškove zakupa poslovnih prostora koje su koristili navedeni odbori, niti je u obrascu 1.1 iskazala organizacioni dio u Srebrenici, čime je prekršila odredbe čl. 10, 21. i 22. Pravilnika.

Pored navedenog, utvrđeno je da je u obrascu 3-a (prilozi fizičkih lica) iskazan prilog fizičkog lica Nedžada Ahatovića, dok je prema podacima iz izvoda sa transakcijskog računa, prilog stranci dao Nedžad Arnautović. Stranka je, takođe, potvrdu izdala na ime Nedžada Ahatovića, čime je prekršila odredbe čl. 6. i 14. Pravilnika.

- (5) Socijaldemokratska unija BiH u obrascima 4.1 (režijsko-administrativni i ostali troškovi) godišnjeg finansijskog izvještaja nije prijavila tačne podatke o troškovima zakupa poslovnih prostorija, čime je prekršila odredbe čl. 21. i 22. Pravilnika.

Na osnovu Izjave o korištenju prostorija SDU BiH za 2016. godinu utvrđeno je da je Centrala SDU BiH koristila prostorije u Sarajevu, u ulici Soukbunar 7. Stranka nije u godišnjem finansijskom izvještaju iskazala troškove zakupa poslovnog prostora za ovaj organizacioni dio. Stranka, takođe, nije iskazala troškove zakupa poslovnog prostora koji je koristila u Bihaću u iznosu od 459,27 KM.⁵

- (6) Uvidom u izvode sa transakcijskog računa i glavnu knjigu OO SDU BiH Centar, utvrđeno je da su sa računa izvršene isplate neto plate i naknade na platu (topli obrok, regres i prevoz) za dva fizička lica u ukupnom iznosu od 28.559,00 KM.

Uvidom u analitičke kartice konta troškova i obaveza, utvrđeno je da su u poslovnim knjigama obračunate obaveze za neto plate za period 01.01.-31.03.2016. godine u iznosu od 4.800,00 KM te porezi i doprinosi, dok za period 01.04.-31.12.2016. godine nisu evidentirani ni troškovi bruto plata, niti obaveze za bruto plate.

⁵ Akt Grada Bihaća, broj: 01-23-4-2927 od 12.04.2017. godine.

S obzirom da stranka nije u poslovnim knjigama evidentirala troškove bruto plata i obaveze po ovom osnovu, tako su i troškovi i obaveze u godišnjem finansijskom izvještaju iskazani u manjem iznosu u odnosu na ostvarene.

(7) Socijaldemokratska unija BiH nije u obrascu 5. (obaveze političke stranke) godišnjeg finansijskog izvještaja iskazala obaveze na dan 31.12.2016. godine, čime je prekršila odredbe člana 24. Pravilnika.

- Prema podacima iz dokumentacije koju je dostavila stranka, bruto bilansa Centrale stranke i općinskih organizacija Centar, Novo Sarajevo, Novi grad Sarajevo, Stari grad Sarajevo i Hadžići za period 01.01.-31.12.2016. godine, stranka ima sljedeće obaveze na dan 31.12.2016. godine:
 - 1) Centrala stranke ima obaveze prema dobavljačima u iznosu od 2,98 KM i obaveze po osnovu neto plata i doprinosa na plate u iznosu od 2.384,36 KM, odnosno ukupno 2.387,34 KM,
 - 2) OO Novo Sarajevo ima obaveze prema dobavljačima u iznosu od 158,96 KM,
 - 3) OO Novi grad Sarajevo ima obaveze po osnovu plata u iznosu od 360,00 KM, i
 - 4) OO Centar ima obaveze prema dobavljačima u iznosu od 21,91 KM, obaveze po osnovu ugovora o djelu u iznosu od 100,00 KM, te obaveze po osnovu poreza, doprinosa i naknada u iznosu od 1.140,28 KM, odnosno ukupno 1.262,19 KM. OO Centar, međutim, na kontima obaveza po osnovu neto plate ima preplatu u iznosu od 10.000,00 KM te na kontima ostalih obaveza i opće vodne naknade preplatu u iznosu od 14,00 KM, tako da je na kontima obaveza umjesto potražnog salda u ukupnom iznosu od 1.262,19 KM iskazan dugovni saldo obaveza u iznosu od 8.751,81 KM.
- Prema podacima koje je dostavio Grad Bihać, obaveze SDU BiH po osnovu zakupa poslovnog prostora koji je korišten u Bihaću na dan 31.12.2016. godine iznose 203,79 KM.
- Uvidom u podatke koje je dostavila Općina Živinice, obaveze SDU BiH po osnovu zakupa poslovnog prostora koji je korišten u Živinicama na dan 31.12.2016. godine iznose 1.328,42 KM⁶.

c) Socijaldemokratska unija BiH prekršila je odredbu člana 12. stav (5) Zakona o finansiranju političkih stranaka.

Dana 23.08.2017. godine, Centralna izborna komisija Bosne i Hercegovine je stranci uputila zahtjev za dostavljanje dodatne dokumentacije broj: 03-07-6-769-2/17, kojim je zatraženo da dostavi: kopiju godišnjeg obračuna (završnog računa) za 2016. godinu ovjerenog od nadležne institucije u Bosni i Hercegovini, bruto bilans stranke na dan 31.12.2016. godine, glavnu knjigu sa kompletnim analitičkim evidencijama stranke za period 01.01.-31.12.2016. godine, dokumentaciju o korištenju poslovnih prostora u 2016. godini za sve organizacione dijelove stranke (dokaze o vlasništvu nad nekretninama, ugovore o zakupu, odluke ili izjave) sa pregledom dokumentacije, kopiju izdatih potvrda o primljenim priložima fizičkih lica koji su iskazani u obrascu 3-a, kopiju računa za troškove propagande, program utroška sredstava u 2016. godini, u skladu sa članom 4. stav (1) Zakona o finansiranju političkih stranaka, i kopije izvoda sa transakcijskih računa stranke za period 01.01.-31.12.2016. godine: broj: 1610000036450662 i 1610000036450080 kod Raiffeisen bank d.d, broj: 1601110000006421 kod Vakufske banke d.d. i broj: 1020180000012430 kod Union banke d.d.

Uvidom u službene evidencije, utvrđeno je da Socijaldemokratska unija BiH nije dostavila dokumentaciju o korištenju poslovnih prostora u 2016. godini za sve organizacione dijelove stranke⁷ i izvode sa sa transakcijskog računa stranke broj: 1610000036450080 kod Raiffeisen bank d.d za period

⁶ Obaveze iz ranijih godina.

⁷ Stranka je dostavila samo izjavu za Centralu.

01.01.-31.12.2016. godine⁸, odnosno nije dostavila kompletnu dodatnu dokumentaciju, čime je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁹ po biraču u svakom izbornom krugu, prema broju birača koje je objavila Centralna izborna komisija Bosne i Hercegovine.

Prema podacima Centralne izborne komisije Bosne i Hercegovine, Socijaldemokratska unija BiH je u svrhu izborne kampanje mogla da potroši sredstva u iznosu od 363.149,10 KM.

Socijaldemokratska unija BiH je u postizbornom finansijskom izvještaju – Lokalni izbori 2016. godine iskazala troškove kampanje u iznosu od 1.814,10 KM¹⁰.

5.2 PREPORUKE

Preporučuje se Socijaldemokratskoj uniji BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da, u skladu sa članom 5. stav (4) Zakona, vodi evidencije o primljenim priložima,*
- *da se, u skladu sa članom 6. stav (2) Zakona, dobrovoljni prilozi u novcu uplaćuju na transakcijski račun centrale političke stranke.*
- *da poslovne knjige vodi u skladu sa računovodstvenim propisima, odnosno da vodi pravilne evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

Takođe se preporučuje:

- *da izvrši usklađivanje obaveza sa dobavljačima i provede odgovarajuća knjiženja u poslovnim knjigama i*
- *da poštuje i druge propise, prevashodno poreske.*

KOMENTAR:

U ostavljenom roku, Socijaldemokratska unija BiH nije se očitovala na Preliminarni izvještaj o pregledu godišnjeg finansijskog izvještaja za 2016. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić

⁸ Stranka je umjesto izvoda sa transakcijskog računa dostavila Izjavu da je račun blokiran do izmirenja dugovanja.

⁹ Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

¹⁰ U godišnjem finansijskom izvještaju stranka je iskazala troškove kampanje u iznosu od 1.811,10 KM.